



lapha.fi

Lapin hyvinvointialue

Lappi buresveadjinguovlu
Laapi pyereestvaijeemkuávlu
Lappi pue'rrvââjjamvu'vdd

Påáđai riikkveä'kkvuõđin teäggum
kääzzkõõzzi miõttmõõžž vuâđ;
Sää'mkiõllsaž sijddtuâjjla kääzzkõs
Åkksas oummui kääzzkõõzz

Påáđai riikkveä'kkvuõđin teäggum kääzzkõõzzi miõttmõõžž vuâđ; sää'mkiõllsaž sijddtuâjjla kääzzkõs 2024

Lappi pue'rrvââjjamvuu'd
vu'vddhalltõs 26.6.2024 32
9 §



Siiskõs

1. Tuä'rijkkáázzkõõzz	3
2. Sää'mkiõllsaž sijddtuájja káázzkõõzz Lappi pue'rrváájjamvu'dest.....	3
3. Sää'mkiõllsaž sijddtuájja káázzkõõzzi ooccmõš.....	3
4. Káázzkõõstaarb čiidlgummuš	3
5. Sää'mkiõllsaž sijddtuájja káázzkõõzz vuážžmõõžž oudldõõzz.....	3
6. Tu'mmstõktuájja	5
7. Ä'sšnekmääus.....	5



1. Tuä'rjjkääzzkõõzz

Tuä'rjjkääzzkõõzz vuáđđá'vve Sosiaalhuáll-lää'jj (1310/2014) 19 §:e.

Tuä'rjjkääzzkõõzz lie káázzkõõzz, koin raaját da juä'tkket oudás oummu dáama nákam jáállmõõžžid, što son vuáitt spravdõõttád juõ'kkpeivvsaž jie'llem tááimin nu'tt jiõõčânji ko lij vuei'tlvaž, di káázzkõõzz, koi veákka oumaž vuáitt vuäžžad pue'rrvââjjam tuejjei siiskõõzz jii'jjes jie'llma.

Lappi pue'rrvââjjamvu'vdd vuäžž pááđai riikkveä'kkvuõđ sää'mkiõllsaž sosiaal- da tiõrvâsvuõttkáázzkõõzzi staanummuž da oudâsviikkmõõžž vääras. Tán pááđai riikkveä'kkvuõđin teággum oudmiárkkán sää'mvuu'dest sää'mnaroo'de jurddum sää'mkiõllsaž sijddtuâjjla káázzkõõzzid. Sijddtuâjjla káázzkõs lij tuä'rjjkääzzkõs da tön viiggát čõõđ sää'mkiõl da kulttuurmeáldlaž jii'jjesnallšemvuõđid lokku vää'ldée'l.

2. Sää'mkiõllsaž sijddtuâjjla káázzkõõzz Lappi pue'rrvââjjamvuu'dest

Sää'mkiõllsaž sijddtuâjjlažkáázzkõõzzid riážžât jii'jjes táimman Jeänõõggâst, Aanrest, Suä'djel tá'vv-vue'zzest (Lappi paalgâskâá'dd vu'vdd) da Uccjooggâst.

3. Sää'mkiõllsaž sijddtuâjjla káázzkõõzzi ooccmõš

Sää'mkiõllsaž sijddtuâjjla káázzkõõzzi taarbšei sä'mmlaž vuáitt raajjád njäälmlaž le'be keerjlaž ooccmõõžž, mii kuâskk kõõčmõõžžâst áarrai káázzkõõzz pue'rrvââjjamvuu'dest. Alttõs sää'mkiõllsaž sijddtuâjjla káázzkõõzzâst vuáitt pue'tted še ruáđast/õõldâsoummust le'be sosiaal- da tiõrvâsvuõttuál ämmatnee'kkest, naabrest le'be ve'rğgne'e'kkest.

4. Káázzkõstaarb čiołggummuš

Sää'mkiõllsaž sijddtuâjjla káázzkõõzzi taarb älgg čio'lgğeed káázzkõstaarb ärvvtõõllmõõžž õhttvuõđâst. Káázzkõstaarb ärvvtõõllmõõžž õhttvuõđâst čio'lgğeed, lij-a oummu táimmamodd vuállnam õll äâ'jj, puõžžâlm, vââ'jj le'be jee'res va'stteei mäáin diõtt nu'tt, što tuä'rjjkääzzkõõzzi vuäžžmõõžž oudldõõzz teáuddje.

5. Sää'mkiõllsaž sijddtuâjjla káázzkõõzz vuäžžmõõžž oudldõõzz

Sää'mkiõllsaž sijddtuâjjla káázzkõs lij jurddum dommpõõrtâst õhttu le'be kuei'mines jâlstei sä'mmlaž oumže, kii äkkõõvmmõõžž le'be jee'res táimmamoodd vuállnummuž diõtt ij pi'rğğed dáama, a taarbaš vie'kk lõ'sses dommtuâjjain, što vuáitt jâlsted dáama. Lââ'ssen káázzkõõzz vuáitt vuäžžad piârri le'be jie'llem spesiaalvue'jj vuáđald.



Õõldásoomažsáimmõõžž kaart'tet káázzkõstaarb árvvtõõllmõõžž õhttvuõđást le'be taarb mie'ldd kuá'ss-ne nuu'bb vuára ä'sšnekvuõđ pooddást (SHL 2014/1301 § 43). Miárkteei täävtõs sijddtuájila káázzkõ'sse lij ákksas oummu staanvuõđ tobddi lâá'zztummuš, mii oudâsvie'kkat dáâma pi'rggummuž.

Sää'mkiõllsaž sijddtuájila káázzkõõžž miõttmõš vuáđđââvv ä'sšnekvuõđlaž individuaal'laž da juátkkjeei káázzkõstaarb árvvtõõllmõ'sše. Taarb mie'ldd árvvtõõllmõõžž tuá'rjjen vuei'tet ââ'nned jee'resnallšem mittrid, ouddmiárkkân RAI, GDS da MMSE suávldeei vue'zzin. Káázzkõõžž miõttmõ'sše jeá't ââ'n puádraajid, koid Lappi pue'rrvâájjamvu'vdd lij piijjâm tuá'rjkkáázzkõõžžid.

Sijddtuájilai tuájaid leá't meá'rtam õõutsâá'jest Sää'mtee'ggin. Álggtuájai puõlâšraajij lij - 25 graaddâd.

Kõskksaž tuájjobbvuõđ:

- Muõrrhuáll: muõrvälddmõš/ viirtummuš, luáddmõš da ruõkkmõš di sizz kuáddmõš.
 - juõ'kk ä'sšnekka obbvue'jj árvvtõõllmõš muõrrtaarbâst.
 - jõs tuejjeet mašinain; ri'jtjeei mie'rr 10 – 15 m³/ee'kk
 - jõs tuejjeet kiõđivui'm, ri'jtjeei mie'rr 5 m³/ee'kk
 - Če'vetjääu'rest ä'sšnek vuáitt vuážžad sijddtuájila vie'kk muõrviirtummuša keässa 3 pv da tálvva 3 pv (sää'mläá'jj 9 § meáldlaž muõrvä'lddemvuõiggádvuõtt). Ä'sšne'kk álgg jiõčč ha'ñkkeeet nuu'bb oummu sijddtuájila veá'kken muõrviirtummuša.
- Šeelljai kuddân âânnmõš: ráá'ssçuõppmõš, suei'n çuõppmõš, háärvásttmõš, vuõddstáttmõš.
 - šeelljai vippstummuša kooll ke'ddmä'rkk da 10 mettar çuággas
 - šeelljast muõtti oiggmõ'sše kooll ke'ddmä'rkk
- Rai'vvjummuš ke'ddmää'rkest: muõri noormõš da rii'ssi puá'lddmõš le'be viikkmõš meádda.
- Arggtuájain vie'kkummuš da tue'rjjummuš.
- Čiistemveá'kk: põõ'lnjiimm'mõš, šá'lddräänai da vuá'đđnjõõzzi piõggtõs.
- U'cc põõrt remontá'stem- da teevvamtuáj: u'cc sii'skmaa'l'jummuš, kääu'ni kiddyummuš, läämpai, pätri da su'la'kei vaajtummuš, čää'ccpää'cci suddummuš, kue'bri pu'tstummuš.
- Ä'sšni'kki resuu'rsi meáldlaž säursmõ'tti da virkstõõtti tääim jii'jjes kiõ'le da jii'jjes kulttuu're čõnnõõđee'l, ouddm. áálgas viikkmõš.
- Ä'sšnee'kk vâájmmõõžž praavmõš: kõõjje'e'l, vuámmšee'l da sagstõõlee'l.
- Ee'jj-járrõõžž mie'ldd puáttam tuáj da šõddmõõžž: kue'li kiõtt'tõõllmõš, vuõ'žži çuõppmõš, pááttki káávvumõš da kaggmõš, puõccui poortummuš õõutsâá'jest ä'sšni'kkin.
- Õõutsâá'jest áárrmõõžž da sagstõõllmõõžž: kiõll- da kulttuurтуággá lokku välddmõš: kirrsá'ttem õõutsâá'jest áárrmõš, kuvddlummuš da sagstõõllmõš ä'sšni'kkin suu jie'nnkiõ'le.
- Jee'res káázzká'stemplaanást meá'rtum tuáj
- Kee'rjtõõvumõš



- Sää'mkiõllsaž tuâjilažkää'dd õhttsaž oudâsviikkâmpeei'v.

6. Tu'mmstõktuâjj

Pue'rrvââjjamvu'vdd âlgg tuejjeed kääzzkõõzz miõttmõõžžâst le'be tuâsttmõõžžâst vaaldšemtummmstõõgg sosiaaluâll-lää'jj 45§ meâlddsânji. Tu'mmstõõgg âlgg tuejjeed mäâi'nte'mes mäâ'jõõztaa. Tu'mmstõõgg âlgg tiu'ddapiijjâd mââimõõžžâst kolmm mäânââ'j se'st tu'mmjem vuâlla puâttmõõžžâst. Äi'gg vuâitt lee'd kuu'kkab ko tät, jõs ää'sš čiõlggummuš takai jeä'rab mäâi'nest õõlgat kuu'kkab äâi'j le'be tiu'ddapiijjmõõžž mâññnummša lij jee'res ä'sšnee'kk taarb kuõskki spesiaal vuâđđ.

7. Ä'sšnekmäâus

Sijddtuâjilažkääzzkõõzz ä'sšnekmähss lij Lappi pue'rrvââjjamvuu'd hâ'ddliist meâldlaž da tõn ra'vyjet piiri-ii'jji vu'vddhalltõõžžâst.

Moottorsaakkâñj âânmmõõžžâst pe'rrjet pááđai mäâus, kää'tt ee'jj 2024 lij 5 eeu'r/ee'kk. Lââ'ssen ä'sšnek âlgg mä'hssed puâ'lddemaunnâz hââ'dd, kää'tt ee'jj 2024 lij 3 eeu'r/a'lğgi tañkk.